



**MINISTER DI HUSTISIA I
SIGURIDAT TA REALISÁ
BISHITA DI TRABOU NA
BONEIRU, ARUBA I KÒRSOU**



WWW.SOLODIPUEBLO.COM



SOLODIPUEBLO@GMAIL.COM

**VENEZOLANONAN NA
AMSTERDAM A UNI N'E
PROTESTA CONTRA E
REINAUGURACION DI MADURO
MIENTRAS CU TENSION TA
CRECE NA VENEZUELA**



**GANGSTER OF
PERIODISTA: KICO
PATRICK LO SCOHE?**



**Despues di e prome reunion di e constelacion nobo
GOBERNADOR A RICIBI E PARLAMENTARIONAN
DURANTE RECEPCION DI AÑA NOBO**



VENEZOLANONAN NA AMSTERDAM A UNI N'E PROTESTA CONTRA E REINAUGURACION DI MADURO MIENTRAS CU TENSION TA CRECE NA VENEZUELA



Faltando un dia p'e inauguracion di Nicolas Maduro como presidente di Venezuela, su opositor exilia Edmundo Gonzalez Urrutia ta na Republica Dominicana. Aunke el a priminti bay bek Venezuela dia 10 di januari pa asumi e presidencia, no ta cla si e lo haci esaki.

Mientrastanto, oposicion a organisa un protesta na Caracas pa exige victoria di Gonzales, kende ta disputa e resultado di e eleccion cu a tuma luga na juli.

Memey di e tension aki, Maduro a continua menasando su opositornan, mientras cu ta reporta detencion

nobo relaciona cu supuesto complot contra su gobierno. E situacion tambe ta afecta Gonzalez, ya cu su famia ta enfrenta secuestro di su yerno na Venezuela.

Manera nos por mira riba e imagennan aki, e Venezolanonan biba na Amsterdam, a reuni rib'e plenchi dilanti Centraal Station p'asina uni n'e protesta. Mescos cu e otro paisnan ta uni n'e otro paisnan cu Gonzalez a acerca, manera Merca, caminda el a reuni cu presidente Joe Biden y su lucha a sigui mientras cu varios otro Venezolano den exterior a organisa protesta den e ciudadnan manera New York, Miami y Madrid.



CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



A HAYA UN CURPA SIN BIDA DI UN HENDE HOMBER RIBA RIF

Awe Diaranson pa mas o menos 10:15 di mainta central ta wordo notifica via di Polis Maritimo cu lo tin un curpa sin bida riba e rif dilanti waf Oranjestad.

E prome informa ta indica un yate lo a pasa y a wak un curpa riba e rif. E personal di e yate a tuma contacto cu Polis y di biaha polis maritimo a mobilisa na e sitio di e sucedido na unda enberdad a topa cu un curpa sin bida di un homber.

A avisa dokter forensico, Polis forensico,

slachtofferhulp y Altocomisario di polis sr.Arnhem tambe tabata presente

Na prome instante no por a identifica e curpa sin bida.

Despues di investigacion a bin resulta cu ta trata di e homber N.T. di nacionalidad mericano di 62 aña.

E tabata nabega cu su boto di vela.

Departamento di slachtoffer hulp a tuma contacto cu consulado



como tambe familia di e defunto.

Cuerpo policial ta manda palabra di profundo

condolencia na famia di e fayecido.

HURISTA DI DEPARTAMENTO DI AVIACION CIVIL TA RICIBI SU DIPLOMA DI POSTGRADO

Recientemente sra. Marjanne Jarzagaray-da Silva, juridisch beleidsmedewerker na Departmemento di Aviacion Civil (DAC), a gradua y a ricibi su diploma di postgrado den derecho aeronautico. Esaki a tuma lugar den presencia di Minister responsabel pa transporte, sr. Ursell Arends, y director di DAC, sr. ing. Edwin Kelly.

Sra. Marjanne Jarzagaray-da Silva a completa su estudio di derecho na 2012, na Universidad di Aruba, cu e perfil di privaatrecht. E mes un aña sra. Jarzagaray-da Silva a cuminsa su carera profesional na DAC como hurista. Durante e añanan

cu a pasa sra. Jarzagaray-da Silva a logra completa diferente cursonan pa specialisa su mes den e ramo di aviacion.

Na aña 2022 sra. Jarazagaray-da Silva a inicia su estudio di postgrado na Universidad Católica Argentina (UCA) den e ramo di Derecho Aeronautico. E estudio aki a tuma lugar danki na un beca otorga na Aruba door di Comision Latinoamericana di Aviacion Civil (CLAC). Aruba ta pais miembro di CLAC pa hopi aña caba y un di e bentananan grandi di e miembrecia aki ta e posibilidad pa obtene beca pa estudionan specialisa den ramo di aviacion.



Na december 2024 Sra. Jarazagaray-da Silva a termina e estudio aki exitosamente cu un score di 9. Topico di su tesina (thesis) ta "Incidentes de pasajeros rebeldes en la aviacion: una exploración integral de causas, impactos y estrategias de mitigación" (na ingles: "Unruly passengers").

Copia di e thesis aki tambe a wordo entrega na Minister Arends.

Minister Arends, y director di DAC a felicita Sra. Jarazagaray-da Silva cu e logro importante aki. Tambe un palabra di gradicimento ta bay pa CLAC cu a otorga e beca pa Sra. Jarazagaray-da

Silva por a haci e estudio importante aki.

Awor Departamento di Aviacion Civil, y Aruba como pais, ta conta cu un hurista mas specialisa academicamente den derecho aereonautico, cu sigur ta un contribucion grandi pa Aruba su aviacion.

KvK ta anuncia directiva pa aña 2025: A ELIGI PRESIDENTE Y VICE-PRESIDENTE DI DIRECTIVA DI KVK



Conforme e stipulacion den ley, Camara di Comercio y Industria (KvK) ta representa comercio y industria di Aruba. E directiva di KvK, cu ta consisti di 9 miembro, ta wordo eligi door di representantenan di negoshinan grandi “grootbedrijf” como tambe di negoshinan chikito “kleinbedrijf”. Den e prome reunion di directiva di KvK, e miembronan ta eligi un presidente y un vice-presidente pa e aña actual. Alabes ta keda determina cual miembro lo fungi como e presidente suplente. E presidente y vice-presidente, hunto cu e secretario/director ehecutivo, ta forma e directiva diario di KvK.

Pa aña 2025, e miembronan di directiva a re-eligi sr. Diederik Kemmerling como presidente y sr. Robert Croes como vice-presidente. Bou di e liderazgo di sr. Kemmerling cu ta miembro di directiva di KvK ya pa 4 aña, KvK a logra na 2024 varios meta y a organisa diferente eventonan grandi e.o. a desaroya un plan strategico nobo y a dialoga continuamente cu diferente stakeholder clave y cu Gobierno, a boga pa un solucion pa e escasez di trahado, cual a resulta den un proceso simplifica pa permiso di trabou cu a drenta na vigor riba 1 di augustus 2024, a organisa diferente eventonan impactante, incluyendo e Aruba Chamber

Business Island Event y un debate politico, y a introduci un branding moderno pa KvK cual ta representa e vision progresivo di KvK.

Sr. Robert Croes ta un comerciante cu ta activo den diferente sector y ta miembro di directiva di KvK desde aña 2023. Demas miembronan di directiva di KvK ta sra. Monica Kock, sr. Gavril Mansur, sr. Derrell Maxwell, sr. Devaney (Dave) Martinus, sra. Nathalie Moore y sr. Omar Tromp cu lo fungi tambe como presidente suplente den caso cu e presidente of e vice-presidente ta ausente. E miembro saliente ta sr. Eugene Farro y e miembro nobo ta sra. Roxanne Solognier-van Dinter.

E directiva di KvK ta encarga cu e maneho y strategia di e organisacion, cu asistencia di e secretario/director ehecutivo, sr. Martijn Balkestein, kende alabes hunto cu e personal di KvK ta percursa pa e funcionamiento y actividadnan diario di KvK.

KvK den 2025

E directiva ta consisti di empresarionan cu tin Aruba y e sectornan comercial na pecho y cu den nomber di sector priva ta traha duro pa mantene bon comunicacion cu sector publico. Directiva di KvK ta dispuesto



pa sigui duna su aporte y lo keda boga pa tin mas dialogo entre Gobierno y e sector priva pa asina conhuntamente por atende e diferente puntonan di atencion y di preocupacion di e sector comercial (e.o. reforma di impuesto, transformacion digital, diversificacion economico). KvK lo sigui promove innovacion y misionnan comercial pa crea mas posibilidad pa negoshinan local. Alabes, KvK lo sigui organisa diferente actividadnan, forum, mixers y workshops y training pa nos empresarionan riba topiconan moderno y actual manera Inteligencia Artificial pa prepara e negoshi pa futuro y lo comparti informacion y experticio. Aruba, 9 di januari 2025


Camara di Comercio y Industria (KvK)

A BIN HAYA UN HOMBER NA SANGER BANDA DI CAMINDA NA PIEDRA PLAT

Diahuebs madruga a drenta informe di cu tin un homber na sanger benta abao banda di Mandingo Snack na Piedra plat, mesora a dirigi tanto polis como ambulans na e sitio. Na yegada di e patruya a bin compronde cu e homber lo a bira malo dal abao y herida su mes. Na yegada di e ambulans nan a atende e persona y a transporte pa hospital.



DAMA CHAUFFEUR A BIRA MALO TRAS DI STUUR BAY NA MAN ROBES Y DAL NA E VANGRAIL DI E DAM NA ROOI AFO



Diahuebsmadruga a drenta informe di un accidente cu hende herida na e dam di Rooi Afo, mesora a dirigi tanto polis como ambulans na e sitio. Na yegada di e patruya a bin compronde cu un dama chauffeur a bira malo tras di stuur y a bay na man robes di caminda dal na e vangrail. Debi na e impacto e dama chauffeur a resulta herida y e vangrail a keda basta los cu cualkier auto dal na dje esaki lo por bin abao cu tur su consecuencia. Na yegada di e ambulans nan a atende e dama. Un peticion ta bay na D.O.W. Pa haci e reparacionnan mas pronto posibel na e vangrailsnan.

Centennial

/sen- 'ten-ē-əl/

Un persona cu su sabiduria
ta ilumina e caminda pa
futuro.

Scan pa
haña mas!



Aruba e Mihor Destinacion den Caribe

TA GANA VARIOS PREMIO SEGUN TRIPADVISOR TRAVELERS' CHOICE 2024

Aruba Tourism Authority (A.T.A.) ta orguyoso di anuncia cu Aruba a wordo reconoci pa premiacion di Tripadvisor's® Travelers' Choice® 2024. E premio prestigioso aki ta honra destinacionan cu ta ricibi evaluacionan excepcional, consecuentemente Aruba ta bira e mihor destinacion den Caribe y e di binti cuater mihor destinacion di registro mundial riba Tripadvisor.

Como e plataforma di mas grandi di guia di biahe mundial, Tripadvisor ta basa su premionan riba feedback autentico di huespednan cu a laga evaluacion directo y honesto durante un aña completo. Esaki ta converti e reconocimiento di Travelers' Choice den un seyo di excelencia confia pa destinacionan extraordinario.

“Esaki ta un celebracion di e brasa caluroso di Aruba dirigi na cada huesped, un tributo na e dedicacion di nos socionan di e industria di turismo, y un afirmacion atractivo y unico di e isla,” segun Ronella Croes, CEO di A.T.A. “Nos ta sinti honra pa wordo reconoci entre companianan prestigioso, tanto regionalmente como mundialmente, y esaki ta stimula nos pa sigui ofrece experiencianan excepcional pa nos huespednan.” Ronella Croes ta termina.

John Boris, Chief Growth Officer di Tripadvisor, ta felicita e isla di Aruba: “Pabien na e isla di Aruba pa cu reconocimiento den Premio Travelers' Choice di Tripadvisor 2024. Travelers' Choice ta honra destinacionnan cu ta demonstra un compromiso continuo den provee servicio excepcional den hospitalidad. E premio aki ta un simbolo di e impacto memorabel cu Aruba tin riba su huespednan, cu a resulta cu hopi ta esnan cu a tuma e tempo pa laga un evaluacion positivo di nan experiencia na Aruba riba plataforma di Tripadvisor. Ta importante pa menciona cu huespednan ta uza e seyo di Travelers' Choice como un guia pa descubri e mihor lugarnan pa bishita, come, y relaha. Nos ta spera cu e reconocimiento aki continua na atrae hopi mas oportunidadnan pa Aruba den 2025, y pa e añanan binidero.”

Un gradicimento na nos huespednan y na tur cu ta brinda servicio directo y/of indirecto na e industria di turismo. Boso contribucion ta keda uno valioso pa nos isla.


Tocante Aruba Tourism Authority (A.T.A.) Desde 1 di januari 2011, Aruba Tourism Authority ta opera como un entidad ‘Sui Generis’. Un organizacion independiente den e esfera publico. Aruba Tourism Authority ta fungi como ‘Destination Marketing



and Management Organization (DMMO)’ y ta responsabel pa uni interes turistico entre socionan local e internacional. A.T.A. ta pone hopi enfasis riba e e modelo di “High Value-Low Impact” cu ta para pa un balans

entre aumenta e balor economico di e bishitante, posiciona Aruba como un pais desea y sostenibel, y posiciona Aruba como lider di desaroyo como un destinacion. Cu meta pa sigui mantene esfuerzonan den linea segun e balans

menciona, y logra aumenta entrada pa medio di calidad di turismo en bes di e volumen cu nos destinacion ta ricibi. Capacidad di carga ta sigui ricibi atencion di parti di A.T.A.

<div><div>OPENBAAR MINISTERIE ARUBA</div></div>		
Corte di Prome Instancia 10 januari 2025		
Horario	Sospechoso	Acto Castigabel
08.30	Y.J.R.	Uitspraak
08.30	E.J.D.S.	Uitspraak
08.30	E.R.d.M.	R.d.M. ta wordo acusa di violacion di un persona bao 12 aña di edad cu abuso di funcion den e aña escolar 2014 te 2016.
08.30	R.J.U.J.	J. ta wordo acusa di violacion di ley di droga riba 15 di september 2024.

Despues di e prome reunion di e constelacion nobo **GOBERNADOR A RICIBI E PARLAMENTARIONAN DURANTE RECEPCION DI AÑA NOBO**



Diaranson, despues di e ceremonia di huramentacion di e parlamentarionan y e prome reunion di e constelacion nobo di Parlamento, a tuma luga e recepcion di aña nobo, organisa pa gobernador. Durante e ebebnto aki, varios colega y amistad di e parlamentarionan a participa, cu a traha hunto durante e ultimo shete añanan, enfrentando varios reto y logrando avance importante.

Lider di Movimiento

Electoral di Pueblo (MEP) mr. Evelyn Wever-Croes, a expresa su gratitud destacando e cooperacion brinda durante e periodo aki. "Danki pa tur colaboracion," el a manifesta, subrayando e spirito di trabao conhunto cu a marca e añanan aki.

E encuentro no solamente a simbolisa e comienso di un aña nobo, sino tambe un etapa renoba pa Parlamento di Aruba, reafirmando e compromiso cu e progreso di e pais.



Rycond do Nascimento:

GANGSTER OF PERIODISTA: KICO

PATRICK LO SCOHE? -1-

Ora Patrick kier, e por ta un periodista serio. Pero, ta parce cu riba cierto area e simplemente no kier ta serio. E ora ey Patrick ta scohe un caminda cu ta dun'e un refleho di un gangster mafioso un tiki chikito y un tiki gordo. Imagina Patrick sinta riba un stoel mucho grandi p'e. Su pianan ta colga tras di e lessenaar grandi. E ta bisti c'un bachi scur bon na midi, c'un camisa blanco y un corbata berde scur. Puro elegancia sin exageracion. Un siga den su boca, cu e huma cu ta subi suavemente. Naturalmente cu'n glas di whiskey banda di dje. Claro cu esey ta den joke, pero e imagen aki di delincuente elocuente no ta mucho leu di e berdad, pasobra Patrick su trabao ta refleha un mentalidad di bandido.

A cambio nos tur por imagina Tito Laclé sinta tras di su desk, cu su laptop cu su carson kaki y su camisa nechi — proyectando un aura di competencia y credibilidad. Su postura ta stret y atento, cla pa capta tur detaye. Sea cu ta un conferencia di prensa of den su studio di noticia, su comportacion semper ta trankil y concentra, reflehando su compromiso pa duna informacion exacto y di impacto. Su meta: informa y inspira su publico. Y aunke tin hende cu kier politisa Tito, e realidad ta cu e ta un ehempel di un periodista motiva pa descubri e

berdad y responsabilisa gobernantenan sin importa nan color politico. "Keeping them honest", manera Tito ta bisa. Djis analisa su relatonan. Ta p'esey e mayoria di intelectual na Aruba ta gusta lesa material di Tito.

Sin periodismo serio nos no por tin ni paz ni prosperidad. Un mentalidad periodistico serio ta importante. Pasobra, sin periodismo serio e clase trahado no por eleva for di pobresa. Pa nos pais alcanza e nivel di exito manera un Hulanda of cualkier pais cu ta prospera, nos mester fomenta etica periodistico. P'esey e ta un tragedia cu Patrick ta anuncia den Enfoke cu despues di hopi reflexion su new year's resolution ta cu 24ora lo sigui cu bullying, pero mas suave. E mentalidad ey ta full fout, pasobra uzo di un plataforma di prensa pa bullying y fomenta odio ta un acto criminal contra pueblo.

Etica periodistico ta cuminsa cu pone berdad riba un pedestal. Esaki ta nifica cu e periodista mester esforsa su mes pa colecta informacion exacto, verifica su fuentenan y present'e di un manera husto y obhetivo. Esey ta un prensa cu por formula critica fuerte, pero constructivo. Esey ta un prensa cu por forsa cambio positivo den gobierno y parlamento. Esey ta un prensa cu ta informa pueblo

honestamente, yudando e ciudadano haci uzo responsabel di su derecho di voto.

Tanto bullying como violencia fisico ta malo pa comunidad

Periodismo etico a bira mas actual cu nunca, despues di e incidente cu a tuma luga diabierna dia 3 di januari 2025, unda e yiu di Endy a agredi Speed den un hanchi banda di Bohemian restaurant. Tin hopi angulo pa analisa e sucedido aki, pero den tur escenario nos mester reconoce cu 24ora ta e plataforma di mas grandi, poniendo un responsabilidad mas pisa riba lomba di Mark, Patrick cu Speed. Esey kiermen cu na momento cu tin un conflicto entre Endy y Edmond na un banda y Patrick cu Speed na e otro, e responsabilidad pa desescala e situacion ta pisa mas pisa riba schouder di Patrick cu Speed. P'esey e ta grave cu Patrick no ta dispuesto pa stop e bullying y solamente kier bay un tiki mas suave. Ta comosifera cu Patrick no ta worry cu si e pusha palo bao di un conflicto verbal, e chens ta grandi cu e conflicto ta escala y coy mas candela. P'esey nos ta scucha den pueblo ta bisa cu Patrick mes ta busca un wanta.

Naturalmente pueblo ta compronde cu cada undi nos ta carga responsabilidad pa loke nos mes ta haci. Esey ta conta pa e yiu di Endy



tambe. E responsabilidad ey ta conta mas ainda si bo ta practica cualkier deporte di combate, manera e yiu di Endy. Pero, tambe ta importante pa reconoce cu e emocion profundo cu ta crece cerca un yiu ora cu e ta mira un conflicto verbal prolonga, unda cu hende ta papia yen soketada di su famia, ta fomenta un sentimento di impotencia pa cu e inhusticia di e situacion. Hopi biaha e sentimento ey ta escala na violencia fisico. Pero e violencia aki no ta resolve e atake riba e dignidad di bo sernan keri. Mas bien e ta empeora e situacion, pasobra violencia ta atacha e dignidad y integridad fisico di un otro ser humano. Esey ta hiba nos pais den un abismo mas profundo.

P'esey ta miho pa nos fomenta un cultura cu ta reconoce e dignidad di cada persona y periodismo etico tin un rol importante pa

realisa e cultura di respet ey.

24ora a escala e conflicto cu Endy

P'esey nos mester critica e postura publico di Patrick, pasobra e ta sigui causa daño na nos pais. Diamars dia 7 di januari 2025 mi a mira un reel unda Patrick ta zundra: "Evelyn Wever-Croes, abo ta keda keto, bo no a keur af Endy su yiunan, su yiunan malandron'ey. Tanten cu bo no keur e af, no invita mi pa nada.

Mi no ta bin. Mi ta bisa bo publicamente. Mi kier warda MEP keur e af.

Y si MEP no keur e af, esey kiermen cu e ta e modus operandi. Kiermen e ora ey nos tambe por bisa hend'i AVP: "asina nos ta bay regla e cos cu hend'i MEP." Bo n' kier toch? E n' ta leuk.

Awel, e ora ey bo mester sali keur e af."

Continuacion Pag. 9

GANGSTER OF PERIODISTA: KICO PATRICK LO SCOHE? -2-

Continuacion di pag. 8

Patrick ta un tata y e sa cu loke ta mas sagrado pa un tata ta su yiunan. P'esey Patrick ta comete conscientemente un acto di violencia verbal contra Endy ora e ta yama su yiunan pa malandro. Ademas, e acusacion ta resulta completamente hipocrita, pasobra Patrick ta rondona pa tres colega cu ta delincuente convicto pa corrupcion y soborno. Comosifuera poco Patrick ta promove AVP, mientras AVP mes tambe tin dos lider prominente convicto pa corrupcion y soborno. Pa colmo Mike Eman no kier tuma responsabilidad pa e corrupcion cometi bao di e bandera berde y number 1 riba lista, Wendrick Cecilia, ta campaña keto bay cu e tin su mannan limpi. Patrick su mentalidad di "nos

contra nan"

Si Patrick realmente lo a reflexiona, elo a ripara cu su palabranan ta sigui polarisa y pusha palo bao di candela. En bes di ta describi e incidente cu Speed como un asunto entre dos persona, Patrick ta fomenta un guerra entre activistanan di MEP y AVP, door di menasa cu si partido MEP no desapropa e acto di yiu di Endy, Patrick tin e poder pa pidi AVP tuma represaya: "Kiermen e ora ey nos tambe por bisa hend'i AVP: asina nos ta bay regla e cos cu hend'i MEP." Ta asina aki Patrick ta confirma cu e ta sinti su mes parti di e tribo di AVP. Pero, e sentimento tribal ey no ta normal pa un periodista imparcial. E sentimento tribal ey ta algo normal den un gang mafioso.

E mentalidad di gang di Patrick ainda ta bay mas leu. E kier pone culpabilidad colectivo riba MEP pa e acto di un persona individual cu no ta forma parti di e liderazgo di MEP: "Esey kiermen cu e ta e modus operandi." Asina aki Partrick ta insinua cu e yiu di Endy a actua riba instruccion di MEP y cu su acto ta refleha un caracter criminal di MEP. Esaki ta mentalidad di bandido, unda henter un grupo ta wordo teni responsabel pa un acto di un yiu di un miembro.

Claro, nos mester tene cuenta cu Patrick ta bisa e cosnan aki den un estado emocional. Pero hustamente den e momentonan asina nos ta mira un persona sin su mascara. P'esey e menasa di Patrick cu e no lo colabora of dialoga cu MEP ("Mi no

ta bin. Mi ta bisa bo publicamente") ta mas evidencia di Patrick su deseo pa sigui fomenta polarisacion entre MEP y AVP.

Conclusion

P'esey mi kier apela cerca Patrick pa e reflexiona di berdad, pa e haya e periodista honesto cu ta skondi somewhere den su alma. Reflexiona pa berdaderamente compronde cu nos niun ta husto ni perfecto. E ora ey e lo reconoce e necesidad pa pidi forsa pa bandona tur tendencia pa polarisa, menasa y fomenta tensionnan politico. Pidi forsa pa e yuda elimina e ciclo di enemistad entre MEP y AVP, door di promove e berdad y responsabilidad. Y finalmente: pidi forsa pa e cuminsa para na banda di husticia y un periodismo etico.

MINISTER DI HUSTISIA I SIGURIDAT TA REALISÁ BISHITA DI TRABOU NA BONEIRU, ARUBA I KÒRSOU

Minister David van Weel di Hustisia i Siguridat ta realisá un bishita di trabou na Boneiru, Aruba i Kòrsou di 12 te ku 17 di yanüari. E bishita tin komo meta pa sera konosí i fortifiká e koperashon ku diferente partner hudisial i atministrativo den e parti karibense di Reino riba tereno di mantenshon di lei i siguridat.

Boneiru

E minister ta kuminsá su bishita di trabou na Boneiru, kaminda e ta sera konosí ku gezaghèber John Soliano i kolegio ehekutivo. Tambe e ta hiba kombersashon ku diferente servisio hudisial,

inkluyendo Ministerio Públiko BES, Koninklijke Marechaussee, Kuerpo Polisial Hulanda Karibense, Kuerpo di Bombero Hulanda Karibense i Instituto Hudisial Hulanda Karibense. Tambe e ta papia ku Representante di Reino interino Jan Helmond. Lopone minister Van Weel na altura di desaroyo- i retonan aktual riba e isla. E ta realisá un bishita tambe na e Sentro Regional di Informashon i Ekspertisia Hulanda Karibense (RIEC CN).

Aruba

Despues di Boneiru minister Van Weel

lo sigui di biahe pa Aruba. Riba programa tin enkuentronan ku Gobernador di Aruba, Promé Minister i Minister di Hustisia i Asuntunan Sosial. Ademas e ta bishitá representashon di Hulanda na Oranjestad i Kuerpo Polisial Aruba. Aki e ta sera konosí ku hefe di kuerpo Ramon Arnhem i e ta realisá un bishita na e kuerpo riba trabou.

Ademas tin riba agènda un bishita na e instalashon pa kima droga i e sistema di radar. E bishitanan akí tin komo meta pa komprondé mihó e aserkamentu lokal pa kombatimentu di droga i siguridat marítimo.

Kòrsou




Ta klousura e bishita di trabou na Kòrsou. Minister Van Weel ta kuminsá aki bishitando Recherche Samenwerkingsteam i warda di polis. Tambe e ta papia ku Kònsul General di Merka i e ta realisá un

bishita na e snoa históriko di Kòrsou.

E bishita di trabou ta suprayá importansia di un koperashon fuerte den Reino pa konhuntamente garantisá mantenshon di lei i siguridat.

A DETENE MARIA CORINA MACHADO MEMEY DI PROTESTA P'E LIBERTAD DI VENEZUELA



Diahuebs, 9 di januari, e ciudadanonan di Venezuela a sali caya pa defende e resultado di e eleccion di dia 28 di juli, caminda Edmundo Gonzalez Urrutia a wordo declara ganado. E dia di manifestacion, convoca p'e lider opositor Maria Corona Machado, a tuma luga den varios luga di e pais y rond

mundo memey di un fuerte violencia y intimidacion di parti di e regimen di Nicolas Maduro.

Machado a wordo deteni arbitrariamente durante e manifestacion na Caracas, caminda cu el a enfrenta un ambiente hostil genera p'e

presencia di funcionario di seguridad. E testigonan a reporta cu por lo menos 17 brommer tabata patruya den e zona prome cu su detencion. Prome cu el a wordo aresta, e lider opositor a publica riba X: "Esaki a caba. Venezuela lo ta liber," companhando su mensahe cu un potret hunto cu e manifestantenan.

Na Caracas, e puntonan di concentracion anuncia p'e oposicion a wordo ocupa p'e forsan di seguridad di e regimen, loke a halsa e tension riba caya. E manifestantenan a exige e reconocimiento di e resultadonan electoral y un transferencia pacifico di poder. Sinembargo, oficialismo a convoca concentracion n'e mesun luganan, aumentando e clima di confrontacion den henter e pais.

E dia di protesta a extende mas leu di Venezuela, involucrando e diaspora den e ciudadnan rond

mundo. Machado lo a pidi e Venezolanonan p a mantene "serenidad y firmesa" durante e manifestacionnan, expresando speransa den un mensahe a traves di e rednan social: "E ora a yega. Nos a anhele tanto reencontra otro, un abraso pa tur.. Pa un futuro luminoso den nos pais."


CIDH y e otro organismonan internacional a denuncia un patronchi di aresto arbitrario contra e lidernan opositor di parti di e regimen di Maduro, aumentando e preocupacion p'e escalada di violencia den un momento crucial pa Venezuela.

Google ta duna 1 miyon dòler na e inagurashon di Trump

E mesun cantidad di un miyon ta loke Meta i OpenAI a contribuí, miéntras cu Amazon i Apple a anunsia otro donashonnan

E gigante di tecnologia Google a duna un miyon dollar pa e ceremonia di inauguracion di Donald Trump dia 20 di januari na Washington, añadiendo asina na e donacionnan cu otro 'nombenan grandi' den tecnologia a anuncia anteriormente.

Manera e compania a declara na e portal economico CNBC, Google no solamente lo haci donacion di e suma aki (ya a haci esaki dialuna) pero tambe tin intencion di "apoya e evento" cu un transmision en bibo riba YouTube, mas un link directo riba su portal.



Chauffeur a hala na man robes pa un truck y dal semi-frontal na Sabana Liber



Diaranson mainta a drenta informe di un accidente na Sabana Liber, mesora a dirigi un patruya na e sitio.


Na yegada di e patruya a bin compronde cu aki ta

trata di un accidente unda e chauffeur di un Nissan Juke a hala pasa na banda pa un truck y a bay dal semi-frontal riba un Toyota Vitz. Afortunadamente ningun hende a resulta herida.
















CHAUFFEUR BURACHI CU A DAL PALO DI LUS BANDA DI CHALO BURGER NA SAVANETA Y SIGUI CORE A SER PARA Y DETENI NA DO-IT




Diahuebs madruga a drenta informe di un accidente banda di Chalo Burger na Savaneta, mesora a dirigi un patruya na e sitio. Na caminda pa e sitio a drenta otro informe di cu e chauffeur di e s.u.v. a bandona e sitio. Yegando banda di Do-It polis a topa y para e vehiculo. Eynan mesora a detene e chauffeur pa a core auto bao influencia dal un palo di lus y bandona sitio di accidente. Afortunadamente ningun hende a resulta herida.

















Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - January 09, 2025

 <div>Sorteo # 4502 8526 2034 3380 FP <div>Sorteo # 4502 9232 X2 <div>Sorteo # 2558 3695 <div>Sorteo # 4502 2066 Scorpio <div>Sorteo # 1376 964 FP</div></div></div></div></div>	<div><table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td colspan="2">Proximo Jackpot</td></tr><tr><td>0 x Match 4+</td><td colspan="2">200.000,-</td></tr><tr><td>0 x Match 4</td><td colspan="2"></td></tr><tr><td>0 x Afl. 12,00</td><td colspan="2"></td></tr></table></div> <div><table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="4">60.000,-</td></tr><tr><td>0 x Match 4</td></tr><tr><td>0 x Afl. 8,00</td></tr><tr><td></td></tr></table></div> <div><div><table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td rowspan="4">500.000,-</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table></div><div>Afl. 700.000,-</div></div> <div><div><table><tr><th>Sorteo #</th></tr><tr><td></td></tr></table></div><div><table><tr><th>Sorteo #</th></tr><tr><td></td></tr></table></div><div></div></div>	Sorteo #	Joker	Letter	0 x Jackpot	Proximo Jackpot		0 x Match 4+	200.000,-		0 x Match 4			0 x Afl. 12,00			Sorteo #	Proximo Jackpot	0 x Jackpot	60.000,-	0 x Match 4	0 x Afl. 8,00		Sorteo #	Mega Ball	0 x Jackpot	Proximo Jackpot	0 x match 4	500.000,-	0 x Afl. 500,00	0 x Afl. 50,00	0 x Afl. 15,00	Sorteo #		Sorteo #	
Sorteo #	Joker	Letter																																		
0 x Jackpot	Proximo Jackpot																																			
0 x Match 4+	200.000,-																																			
0 x Match 4																																				
0 x Afl. 12,00																																				
Sorteo #	Proximo Jackpot																																			
0 x Jackpot	60.000,-																																			
0 x Match 4																																				
0 x Afl. 8,00																																				
Sorteo #	Mega Ball																																			
0 x Jackpot	Proximo Jackpot																																			
0 x match 4	500.000,-																																			
0 x Afl. 500,00																																				
0 x Afl. 50,00																																				
0 x Afl. 15,00																																				
Sorteo #																																				
Sorteo #																																				



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Anochi - January 09, 2025

 <div>Sorteo # 8443 1953 7776 3628 X2 <div>Sorteo # 7487 3108 X3 <div>Sorteo # 2192 8951 <div>Sorteo # 6246 2060 Aries <div>Sorteo # 1176 460 X3</div></div></div></div></div>	<div><table><tr><th>Sorteo #</th><th>Joker</th><th>9</th><th>Letter</th><th>F</th></tr><tr><td>0 x Jackpot</td><td colspan="4">Proximo Jackpot</td></tr><tr><td>0 x Match 4+</td><td colspan="4">200.000,-</td></tr><tr><td>3 x Match 4</td><td colspan="4"></td></tr><tr><td>181 x Afl. 12,00</td><td colspan="4"></td></tr></table></div> <div><table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td rowspan="4">60.000,-</td></tr><tr><td>4 x Match 4</td></tr><tr><td>167 x Afl. 8,00</td></tr><tr><td></td></tr></table></div> <div><div><table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td rowspan="4">500.000,-</td></tr><tr><td>0 x Afl. 500,00</td></tr><tr><td>0 x Afl. 50,00</td></tr><tr><td>0 x Afl. 15,00</td></tr></table></div><div>Afl. 700.000,-</div></div> <div><div><table><tr><th>Sorteo #</th></tr><tr><td></td></tr></table></div><div></div></div>	Sorteo #	Joker	9	Letter	F	0 x Jackpot	Proximo Jackpot				0 x Match 4+	200.000,-				3 x Match 4					181 x Afl. 12,00					Sorteo #	Proximo Jackpot	0 x Jackpot	60.000,-	4 x Match 4	167 x Afl. 8,00		Sorteo #	Mega Ball	0 x Jackpot	Proximo Jackpot	0 x match 4	500.000,-	0 x Afl. 500,00	0 x Afl. 50,00	0 x Afl. 15,00	Sorteo #	
Sorteo #	Joker	9	Letter	F																																								
0 x Jackpot	Proximo Jackpot																																											
0 x Match 4+	200.000,-																																											
3 x Match 4																																												
181 x Afl. 12,00																																												
Sorteo #	Proximo Jackpot																																											
0 x Jackpot	60.000,-																																											
4 x Match 4																																												
167 x Afl. 8,00																																												
Sorteo #	Mega Ball																																											
0 x Jackpot	Proximo Jackpot																																											
0 x match 4	500.000,-																																											
0 x Afl. 500,00																																												
0 x Afl. 50,00																																												
0 x Afl. 15,00																																												
Sorteo #																																												

FORTALEZA PA FAMILIA

Scirbi pa Pastor Marcel Balootje.

KICO TA PASA ORA HENDE RECHASA E PLAN DI SALBACION DI DIOS?

Pasobra Dios a stima e mundo asina tanto E a duna Su Yiu unigenito pa ken cu kere den dj'E no bay perdi ma tin bida eterno.

Esaki no ta algo cu ningun hende por ricibi ora nan ta chikito, como un baby recien naci, no ta algo cu bo mayornan por ricibi pa bo, ni tampoco bo madrina of padrino, pero ta algo cu e persona mes, mester kere den su curason y confesa cu su boca. Pasobra salvacion di cada hende ta personal.

Ta para scirbi den Bijbel lo siguiente: Cu si bo confesa cu bo boca, Hesus como Senyor y kere den bo curason cu Dios a lant'E for di mortonan lo bo ta salba, pasobra cu curason hende ta kere pa hanja husticia, y cu boca e ta confesapahanja salvacion. (Romanonan 10:9-10).

Pasobra e palabra di Dios ta bisa bon cla cu esaki ta un confesion cu tur hende mester haci pa ricibi salvacion, no religion, den

Juan 3:17 e palabra di Dios ta bisa cu Dios no a manda su Yiu pa condena e mundo sino pa salvacion, esun cu kere lo ta salba, pero esun cu no kere lo ta condena, pasobra e no a kere den e Yiu unigenito di Dios.

Salvacion ta algo personal cu cada ken mester zorg pa su mes bida, ningun hende no por hacie pa bo, ta bo mes, mester confesa cu bo boca publicamente, sin ningun clase di berguensa, pasobra berguensa lo bini ora bo keda sin hacie y morto presenta y bo no ta cla.

Pesey Bijbel ta bisa den Efesionan 6:4 cu nos mester lanta nos yuinan den e disciplina y instruccion di Senyor, pasobrasin Senjorden bida di e mucha e ta coriendo un gran peligro pa wordo hala den caminda di e malbado, pasobra e mucha no conoce e berdad.

Awor ora nos ta papia di peligro, nos mester menciona e peligro

tambe pa tur hende por reconoce e peligro y tuma e precaucion necesario:

Den Romanonan 1:24 ta para scirbi: Mescos cu nan no a hanja ta necesario, pa reconoce Dios, Dios a entrega nan na un mente perverso pa haci cosnan cu no ta cumbini. Y nos tur por lesa con hende lo cambia, y lo haci cosnan teribel, cu nan mes cu no ta cumbini nan bida ni tampoco e sociedad den cual nan ta biba.

Den 2 Timoteo 3 :1-5 e palabra di Dios ta bolbe splica di tempo trabahoso,

cual ta e tempo cu nos ta bibando aden y con hende lo cambia pasobra nan lo tin mas amor pa nan mes cu amor pa Dios, y e palabra ta splica bon cla cual ta e tipo di hende cu nos lo confronta cune,

Den Galationan 5:19-21 ta splica bon cla cu si nos ta biba segun e obranan di carni, cual ta nifica un bida sin tene cuenta cu Dios, nos lo no hereda e reino di Dios.

1 Corintionan 6:9-11, e palabra ta indica nos pa no laga ningun hende ganja nos, pasobra e inhustonan

lo no hereda e reino di Dios. Awor nos tur sa cu e unico forma pa hende por wordo hustifica ta pa medio di e sanger di Cristo Hesus, cu a wordo derama na crus pa nos picanan, pasobra cu Su sanger e a redimi nos for di man di e malbado y esaki ta conta pa tur cu kere.

Pesey Dios a duna un mandato, pa evangelio wordo predica den henter mundo, pa tur por alcanza bida eterno, den Cristo Hesus.

Sinceramente, Pastor Marcel Balootje.



Oracion di dia

Un feliz dia y cu Dios colma boso cu Su bendicion abundantemente

"Mi mester predica e Bon Noticia tocante Reino di Dios den e otro pueblonan tambe, p'esey a manda Mi!" Lucas 4,43

Hesus a bini na mundo pa siña Su discipelnan tocante e Reino di Dios.

Cu Su palabranan Hesus ta proclama binida di e Reino y cu Su actonan E tawata demostra cu e Reino tey caba y mesora E ta haci un milager di sanacion pa confirma cu berdaderamente e Reino tey. Mescos Hesus ta

spera di cada un di nos cu ta Su discipelnan. Nos ta nada otro cu sirbidonan cu a yega na fe pa medio di Hesus. Nos cada un tin cu haci e trabou cu Dios a duna nos guia pa Spirito Santo. No mag di tin envidia, division, ni pleitamento entre nos pasobra riba nos propio forsa nos niun no por haci nada. Tambe nos tin cu bay na unda Dios manda nos. Nos tur ta compañero den e trabou di Dios y Dios lo sa di recompensa cada un di nos pa e sirbishi den man di Dios. Animo rumannan pa sigui traha den e cunucu di Señor y asina gana alma pa Señor.

Oracion: Hesus nos Gran Maestro, instrui nos pa medio di Bo Spirito Santo y cu Bo luz ilumina nos mente y duna nos sabiduria pa nos por proclama Bo Palabra cu hopi curashi y humildad pa asina nos por ta un instrumento util den man di Señor pa sigui edifica

E vice presidente elegi di Ecuador ta adverti cu aki “algun ora lo realisa un golpi di estado”

E vice presidente elegi di Ecuador, Verónica Abad, a adverti diahuebs awor cu “aki algun ora” un “golpi di estado” lo wordo consuma, supuestamente planea pa e mandatario, Daniel Noboa, kende ta preparando pa delega, pa tres dia, e puesto na Vice Presidente-designá Cynthia Gellibert, miéntas e tabata campaña pa e elekshon.

“Den algun ora e golpi di estado planea y anuncia pa presidente Daniel Noboa y su gabinete lo wordo consuma”, Abad a bisa den un conferencia di prensa, kende ta reclama pa su mes e delegacion di funcionnan presidencial mientras cu Noboa ta campaña pa e eleccionnan general di Next Februari, den cual e ta busca sosten di ciudadano pa goberna te cu 2029.



PESADIYA NA LOS ANGELES: UN DI SEIS CANDELA TA BROTA DEN E SERUNAN DI HOLLYWOOD I YA TIN 5 MORTO

Por lo ménos seis candela a asotá e condado di Los Angeles diarason anochi, ku a registrá su último brote di candela den e Serunan di Hollywood, forsendo pa emití òrdo nobo di evakuashon debí na e insidentenan cu a laga por lo ménos sinco morto, desenas di hende heridá i mas cu 1.000 struktura consumí pa vlamnan. Cuater di e candelanan ta for di control i dos di nan, Palisades i Eaton, ta totalisá casi 11.000 hektar kimá, segun e Departamentu di Protekshon di candela di California, conosí como Cal Fire.



CON PA ELIMINA CABEY NA CARA DI MANERA NATURAL

Hopi hende muhe kier elimina cabey na cara sin usa metodonan invasivo of costoso, manera por ta e depilacion permanente, laser of electrolisis.

E bon noticia ta cu ta existi remedinan casero pa deshaci di e cabeynan no desea cu ta crece na nos cara.

Den e articulo aki, nos lo contabo mas riba esaki.

Ki ora e cabey di cara ta crece demasiado

Ta normal pa tin algo di cabey na cara of "lana" riba e cara, den ocasionnan nos ta ripara cu esaki a crece mas di lo normal. Esaki por ta debi na diverso factor:

- Desekilibriacion hormonal
 - Embaraso
 - Consumo di remedi (anabolico, steroids)
 - Síndrome di Ovario Policístico (SOP)
 - Herencia genetico
- Apesar cu esakinan ta de senca den antena comun, ta destaca cu, den hopi caso, no por determina causa di e aumento di cabey na cara.

Forma di elimina cabey na cara di forma natural

Si pa algun rason bo a cuminsa nota cu tin mas cabey na bo cara cu custumber, no desespera of rabia. Ta existi varios receta casero cu por yudabo.

Solamente ta cuestion di tin algo di pasenshi y ripiti e procedimentonan manera indica.

Papaya

E fruta tropical aki tin hopi enzima activo (por ehempel, papaina), cu e capacidad di kibra e folículo piloso y evita crecimiento di cabey.

E papaya ta yuda pa e cabey ta mas fini y imperceptibel y ademas, e ta exfolia e cuero. P'esey, e ta perfecto pa e hende muhe cu tin e



dermis sensibel.

Bo por combina e fruta cu otro ingrediente pa aumenta su eficacia. Su aplicacionnan ta logra mediante e siguiente pasonan:

Ingrediente

- 2 cuchara di pulpa di papaya (20 g).
- ½ telep di turmeric den polvo (2g)

Preparacion

- Corta e papaya na slice y procese pa obtene un pasta of crema
- Pone 2 cuchara den un recipiente y agrega e turmeric
- Remove bon y aplica riba e cara cu movimentonan circular.
- Lag'e actua 15 minuut y hawa e cara cu awa lauw.
- Ripiti dos biaha pa siman.

Baking Soda

Ta preciso pa e tratamiento aki wordo realisa durante anochi. Baking soda lo yudabo na elimina e cabey di cara den cuestion di dia.

Ingrediente

- 1 cup di awa (250 ml).
- 1 Cuchara di baking soda (10g)

Preparacion

- Keinta e awa y ora cu e herbe, pone den un cup.
- Añadi e baking soda, draai'e bon y lag'e fria pa por lo menos 15 minuut.

- Muha un bolita di catuna cu e likido.

- Pone na e areanan di e cara unda cu bo ta desea di kita e cabey.

- Pone un tape riba dje y lag'e traha durante anochi.

- Mainta, kita e catuna y aplica un crema humectante.

Cebada of Barley

E cereal aki por hay'e na tiendanan dietetico of naturista, den forma di hariña of polvo. Bo por us'e pa elimina e cabey di cara si bo ripiti e procedimiento aki por lo menos tres biaha pa siman.

Nos ta recomendabo pa aplik'e durante anochi, pa evita manchanan riba bo cuero. Si bo no logra haya e cebada, bo por haci'e cu hariña di avena.

Ingrediente

- ½ glas di juice di lamunchi (100 ml).
- ½ glas di lechi (100 ml).

- 1 cuchara di polvo of hariña di cebada (10 g).

Preparacion

- Primi e juice di lamunchi y pon'e den un cup.
- Agrega e lechi lauw y e hariña di cebada.
- Draai'e bon pa bo obtene un likido casi diki.
- Aplik'e riba e cara of e area cu bo ta desea di depila y lag'e actua durante 20 minuut.
- Hawa cu awa lauw y si bo ta desea, hidrata e zona cu un crema humectante.

Hariña di garbanzos

Otro excelente opcion pa elimina cabey na cara, ta hariña di garbanso, compaña pa otro elementonan cu tin e capacidad no solamente di laga e cuero suave, sino tambe limpi y hoben.

Ingrediente

- ½ cup di hariña di garbanso (100 g).
- 1 telep di turmeric na polvo (5 g).
- ½ cup di lechi (125 ml).
- 1 cuchara di yoghurt natural (solamente pa cuero seco) (20 g).

Preparacion

- Pone e hariña di garbanso den un comchi.
- Agrega e turmeric y e lechi.
- Mescla bon y benta e yoghurt aden (si ta coresponde).
- Ora bo obtene un tipo di pasta, aplica na e zonanan di e cara di cual cabey bo kier elimina.
- Lag'e actua por lo menos 30 minuut.
- Ora e tempo aki pasa, frega cu movimentonan circular suave den e direccion opuesto na e crecimiento di e cabey.
- Laba cu awa lauw y si bo kier, pone un crema hidratante.

Brandnetel

Esaki a wordo usa for di hopi tempo pa su propiedadnan medicinal y estetico. E azeta di brandnetel tambe ta sirbi pa mantene e cuero hoben y sano. Por lo tanto, bo no por desestim'e!

Ingrediente

- 4 simiya di brandnetel of ortiga.
 - ½ glas di azeta di olijfi of girasol (100 ml).
- Preparacion**
- Pone e simiyanan den un boter di glas limpi y seco.
 - Agrega e azeta eligi

y tap'e hermeticamente.

- Lag'e fermenta durante 15 dia den un luga scur y calor.

- Col'e y aplica tur anochi cu un catuna of gasa

- Permiti pa e reposa durante mey ora y hawa cu awa lauw y habon neutral.

Sucu

Sucu tin hopi aplicacion pa e beyesa di e cuero. E ta un excelente exfoliante, pero no ta wordo recomenda pa e muhernan cu dermis sensibel pasobra e por irita bastante.

Si esey no ta bo problema y ta desea pa elimina e cabey di cara, pone atencion riba e receta aki, cu bo tin di aplica semper di nochi.

Ingrediente

- 2 cup di sucu (400 g).
- ¼ cup di juice di lamunchi (62 ml).
- 1 cup di awa (250 ml).

Preparacion

- Pone e awa keinta y agrega e sucu
- Primi e juice di e lamunchi y agreg'e na e mescla anterior.
- Draai'e bon te ora cu e awa evapora y keda un especie di pasta suave.
- Kit'e for di candela y lag'e fria.
- Aplik'e na e cara, den tur e area di e cabey (pero pon'e riba full e cara a exfolia.)

- Pone un pida tela di catuna riba e cabey y pres'e bon.

- Tira e tela den e direccion contrario na e crecimiento di e cabey.

Manera cu bo por wak, tur esakinan ta metodonan natural, economico y simpel. Cu apenas algun minuut diario, bo por deshaci di e molester di di e cabey cu ta aparece riba bo cara y, ademas, lo bo luci un cuero renoba y suave.

UN ATAKE RUso A KOUSA 13 MORTO I 113 HERIDO DEN E REGION UKRAINO DI ZAPORIZHZHIA

Un atake di bom guia di Rusia a causa por lo menos 13 morto y 113 herido den e ciudad Ucraino di Zaporizhzhia, den zuidoost di e pais, diaranson, autoridadnan a informa. E eksploshon a laga kurpanan plamá riba un kaminda huntu cu residentenan heridá.

Transporte publico tambe a sufri daño den e atake. Ministerio Publico a aumenta e cantidad di herido di 63 pa 113 persona diahuebs mainta awor.

Esfuersonan di reskate a konkluí na e sitio di e atake e anochi anterior. Edifisionan di apartamentu haltu a keda dañá huntu cu un instalashon industrial



i otro infrastrukturna, ofisina di fiskal general di Ukraina a bisa riba

Telegram. E debris a dal den un tram y un bus cu pasahero aden, el a agrega.

LEY CU TA LIMITA UZO DI PRODUCTIONAN DI

TABACO

PROTEHANDO

SALUD PUBLICO

6


6 Ta prohibi pa vende of duna produccionan di tabaco na personanan bou di 21 aña

ARUBA LIBER DI TABACO

HALA ROSEA LIBREMENTE
ORIGINALITE FROEDEL

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entiero di nos defunto stima:



Jose Rosendo Tromp

Boso muestra di atencion ta di hopi aprecio y un gran sosten pa nos. Un danki na un y tur cu a manda carhi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan

pa compaña nos na un Santo Sacrificio di Misa na misa Inmaculada Concepcion; diasabra 11 januari, diasabra 18 januari y diabierna 24 januari

Boso presencia ta altamente aprecia.